

直講李先生文集

928
4
8



直講李先生文集卷之三十六

近體

五言二韻

詠竹

外邊雖節目內裏卻空虛從來汗流浹只爲寫經書



霜

夜落無人見朝看到處新非君有分別力不柰松筠

冰

水性本來弱漸寒成此堅東風有特到幾日是殘年

鷺



逸少曾留翫人因喚右軍鳥名加爵號不離羽毛群

鳴

庶人常用費貴在不飛遷飽食待庖宰虛教兩翅全

惜才

醜婦易為潔愚兒多守純天將惡文采萬物恐無春

五言四韻

山舍寓止

無計奈踈拙走逃雲水隈鶴飢雖厭夜龍睡却嫌雷
師友關千古窮通付一杯商巖版築者底處有梯媒

東巖精舍

像設彼何時高僧白衲衣水寒吞日氣樹老慣霜威
幡影捎天近鍾聲落谷微可憐成道易無事即無機

閑夜

披衣坐小亭夜氣拂人清月暗先成暈蟲吟不識名
舉杯期混沌開卷賞堃英此興知誰會松風鶴睡驚

霧

光明人所好幽暗此何為樹在谿無影禽巢鷓未知
愛花留潤與避日卷陰移底事偏相惱天涯欲望時

自詠

俗態共紛紛吾心誰與論幾因清夜夢還見古人魂

聖域寧無樂文家別有尊此身聊自足獨恐累兒孫

睡思

俗語不入耳旅愁還到心坐多渾易厭夢好欲重尋
暴雨撩蓬響殘陽過嶺陰迴看弄競苦此興貴南金
愁熱

江湖限南鄙秋令到還稀節換空看曆人閑未趁衣
齊紈方得意厦燕莫言歸祇有松筠徑風高暑氣微

鑑湖夜泛

以明月到樽前為發句

明月到樽前擎舟古岸邊亂山斜入霧遠水倒垂天
酒氣薰龍戲歌聲弄鶴眠迴頭嗤李郭此外更無仙

池亭小酌

得和字

客思都無著臨池一醉歌喚春呈物象移性入天和
月影碎荆王波紋緯蜀羅相看盡仙骨俗態已無多
迴胡舜元賦藁

一把長篇讀驚嗟即過旬誰知後來者還似老成人
古訓但時習英辭當日新慙無稱薦力空此見天麟

迴黃通詩稿

老杜沒已久嗟哉吾子心時人任詬病獨自革浮淫
美玉寧須琢朱絃豈在音鍾期如未見慎勿等閑吟

送路拯北遊

池亭小酌 得和字

客思都無著臨池一醉歌喚春呈物象移性入天和
月影碎荆玉波紋緯蜀羅相看盡仙骨俗態已無多

迴胡舜元賦藁

一把長篇讀驚嗟即過旬誰知後來者還似老成人
古訓但時習英辭當日新慙無稱薦力空此見天麟
迴黃通詩篇

老杜沒已久嗟哉吾子心時人任詬病獨自革浮淫
美玉寧須琢朱絃豈在音鍾期如未見慎勿等閑吟

送路拯北遊

六月地欲赤驅車河朔行王師備戎羯游子念功名
盡識山川險深窮彼我情歸來具封奏直上請長纓

感事

太平無武備一動未能安廟筭何時勝人生到處難
役頻農力耗賦重女工寒祗有盱江守憐民不愛官

時國子慎傳
土守本郡

閑居

無物可勞情空郊日閉扃雨吟春破碎貧飲客凋零
世事重江險才名一夢醒同心祗松柏見我尚青青

萍

盡日看流萍誰原造化情可憐無用物偏解及時生
泥滓根萌淺風波性質輕晚來堆岸曲猶得護蛙鳴

送張醜

人意皆懷土嗟君無故園欲行須盡室此去又他門
靜裏文章好貧來節行存振淹知有日倚伏豈虛言

村行

產業家家壞誅求歲歲新平時不為備執事彼何人
朱戶仍奢侈柴門轉窶貧若非衢室畔無用說悲辛

感懷寄擇之

衆人皆銳進唯我復幽居慮遠夢多亂身閑氣不舒

千求非祿位好尚豈詩書日夜又日夜霜寒鬢髮疎

鷄

嗟爾羽蟲類昂然冠距徒為識昏曉猶未免庖厨
年少苦令聞主人頻見呼寧思避弋者天外出鴻孤

堂西夜坐

炎蒸得避處鋪席對西牆有月樹陰黑無風山氣涼
聚蚊妨袒裼飲井當壺觴妻子詎知我笑言皆在傍

寄題陳適追養亭

築室先坐下哀心有所歸每來開戶牖渾似戀庭闈
丘木成風樹衰棠換綵衣吾生與君類東望涕交揮

送宜黃柳尉

荒郊人事絕歡喜見時髦舊業椽為筆新官草染袍
幽明終考績川縣豈徒勞况有松筠性凌寒節更高

送君俞

之子來相問吾言豈不誠文章難得理聲律易求名
貧甚須清節親安莫遠行異時如有立宗族亦知榮

送黃秘丞

天下為人子何人似慶門二親皆白首同日拜皇恩
就養蘭生晚娛賓酒滿樽自嗟偏侍早相送只銷魂
寄題廖說蒙亭

聖人雖在上君子有窮時自得山居樂何須世俗知
夜多松月分涼與水風期只恐亨通去清閑却付誰

晏起

貧士無所務閑眠常起遲謾勞鷄口喚不柰穢魔欺
宿酒猶薰腦朝飢未到脾誰能空汲汲肉食自謀惟

養疾

少小唯貪酒病來繞信醫問方逋客許尋藥野人疑
夜擣全聽慣寒煎覺沸遲古賢曾愛死此意亦誰知

遠山

最能牽病眼天際一山橫盡日是秋色無人知地名

暗時雲自合缺處路應平才子霑衣淚千秋共此情

送吳伯華

典學淡無味畏塗來幾程舉家應好事努力為求名
馨膳南咳遠連環昨夢驚壽觴何以薦經術抵金籛

次韻陳殿丞除夜懷感

浮世因循過流年第次第新迴思舊來事都似夢中人
不飲偏嫌雪多愁却怕春星魁欲寅位五鼓莫頻頻

早歸

病馬不妨騎出門常便歸見人無事說是物與心違
通塞元關命驅馳轉覺非莫教塵裏汗壞卻篋中衣

晚聞角

傾耳斜陽裏無聊拭淚頻平生慣聞處今日自愁人
夜近歇不久風來聽得真胡茄更何物只此已傷神

庭樹

不是我培力誰容此處生細聲饒客睡斜影與鄰清
地窄根猶迸秋遲葉未驚虞人雖欲伐卻怕損蒼楹

哭女二首

妻死女已病踰年成二喪此生誰骨肉未識好衣裳
看回雖猶小聞言盡可傷最知憐祖母句句刮人腸

又

老樹枝葉薄先秋風雨過人間不善事身外想無多
理遣誠如幻悲來豈奈何從前短鬢髮為爾漸雙皤

贈端師

十載寓都城人傳善相名一言知禍福相識盡公卿
洪井舊鄉路紫衣歸計榮塵緣應漸了何日悟無生
寄題鄒氏延壽亭

一世躋仁壽君今更欲延山中想無事分外得長年
松老多經雪雲閑不到天區區殉名者回首倍凄然

感秋

徙倚重咨嗟非緣惜歲華關山異鄉客砧杵別人家

天公雲合日谿清水獻沙屈魂終不返悲思更無涯
次韻荅陳殿丞

不能隨薄俗非是向深山自喜道無屈所嗟心未閑
酒鄉貧更入詩債病猶還一字成虛美通宵只厚顏
讀趙氏淳化詩集

少年曾誦習誤認古人詩風雅世不重姓名誰得知
高情如隱者薄宦過明時地下尋才鬼應逢陸與皮

小女

惜汝今何恃言來淚滿襟死生雖分定樵樵累人心
飢買鄰家乳寒勞祖母針豈知泉路隔時撥總惟尋

送吳著

好學誠雖篤事親心不忘秋風滿黃葉歸路正重陽
力行宜無改脩辭况有方起家知可望蘭秀自聞香

題靈陽宮

費君投杖處行客過彷徨水面風雷散沙頭草木荒
一壺誰世界千古共淒涼大塊偏勞我燒丹未有方

龜峯精舍

去縣二十里路早時正春四山唯有石一寺更無塵
融結疑天意經營憶古人但知安樂處何必是金身

鳴蜩

天公雲合日谿清水獻沙屈魂終不返悲思更無涯

次韻荅陳殿丞

不能隨薄俗非是向深山自喜道無屈所嗟心未閑
酒鄉貧更入詩債病猶還一字成虛美通宵只厚顏

讀趙氏淳化詩集

少年曾誦習誤認古人詩風雅世不重姓名誰得知
高情如隱者薄宦過明時地下尋才鬼應逢陸與皮

小女

惜汝今何恃言來淚滿襟死生雖分定極樛累人心
飢買鄰家乳寒勞祖母針豈知泉路隔時撥總惟尋

送吳著

好學誠雖篤事親心不忘秋風滿黃葉歸路正重陽
力行宜無改脩辭况有方起家知可望蘭秀自聞香

題靈陽宮

費君投杖處行客過彷徨水面風雷散沙頭草木荒
一壺誰世界千古共淒涼大塊偏勞我燒丹未有方

龜峯精舍

去縣二十里路早時正春四山唯有石一寺更無塵
融結疑天意經營憶古人但知安樂處何必是金身

鳴蜩

雨餘雲漏日蟲思已喧喧時節驚初夏聲音似故園
為誰吟綠野相共送黃昏便是秋來信霜鬢更幾根
送張評事

江上楚花鮮君行一點然居官無籍手選部豈知賢
廉善雖由已亨通亦在天都人如問我踈嬾甚當年

送春

送爾歸天去天應解禍淫物生誰得所我見獨傷心
楚詞有日極千里傷春心之句好景吟來編芳樽醉不禁東風別無
用百草已成林

君賜以新詩相示因成四十字答之

君詩三十首一一敵琅玕語近終非俗情閑不似官
姑山蟠郡碧盱水蘸天寒景物將才思相期李杜壇

送李侍禁

三載盱江上軍和盜亦殲事煩終不倦貧極始知廉
別袖揮寒白歸舟載夜蟾懋功宜有賞天意在官占

寄周寺丞

我愛南豐宰天資舉措奇上官如不怒善政有誰知
賦役貧中減鞭笞惡處施邑人多未悟去後始應思
次韻闕判官除夜

密雪穿窻入孤燈向壁光老來人不覺夢斷酒猶香

世事休思慮年華任短長朽株難長育空此見春陽

送閻判官

鄉樹江淮接軍籌歲月深從公雖盡力當路少知音
賦命休重問離觴且滿斟君言鵬與鷄何者是飛沈
送彭昱應舉

計偕千百數太半是虛名近日逢吾子中心歎筆精
衆人皆祿位所貴在誠明努力唐虞際期於大有成

送黃銳應舉

先世宦不達少年才已雄何人為父執獨自振家風
物色營求廣賓興禮數隆孤寒今有望太守漢吳公

夏日郊園

三徑是生涯朋游日已賒野情饒皓鶴寒氣入甘瓜
移竹調風韻疏泉浴月華塵埃應附勢不肯到貧家

寄黃晞

長憶黃夫子才高行亦淳世情輕近事見慣即常人
何力康時務將身役路塵七閩山水國是處好安貧

送黃介夫

短亭車馬地送子一盤桓不畏離群久所嗟行路難
驪衣雲日薄撲面水風酸聖有中庸訓時時著意看

送山甫

喜爾年將壯為儒志可嘉鄉閭知行實場屋見辭華
公道方無壅君門况不遐直應千里足世世出吾家

送沈郎中

偽飾久終變真誠老益純官為郎位貴家似舊時貧
去作吾民福歸尋楚水濱他年名粗立林下願相親

送江茂才

少小尚英奇高談與眾違夕窮纔信命遠客合思歸
簞食非無樂京塵誤入衣雲山仍舊好况是覲庭闈

贈端上人

佛法本無二誰論律與禪水行到處入月出有時圓

事去何嘗念忙中不廢眠松堂白日永幡影自飄然

千福寺昧軒

何人指蒙昧題作此軒名天理自晝夜道心無晦明
用當群物化舍去一毛輕石砢砢山前寺時聞鍾磬聲

怡山長慶寺

行行金碧裏氣象恍如春不記來時路自嫌衣上塵
院香知有佛僧靜似無人十載京華夢相逢一欠申

傅翼甘圃

老圃君何學中心切養親從來啜菽處便作采蘭人
百行當無愧三牲未足珍孝廉方察舉勉勉詎長貧

林屯田思軒

慮遠無如靜茲軒得地幽一官雖智效萬仞更心游
風月趨吟筆乾坤入坐籌延英期上對豈是為身謀
迴明上人詩卷

學佛有餘力吟詩過一生情閑氣皎少句好琢磨成
栢竹門庭古冰霜筆硯清輸他飽食者終日自無營

聽周大師琴

已解琴中意更加絃上聲他人鄭衛雜此手鬼神驚
深夜衆籟息寒天孤月明四鄰應得睡濁酒且同傾

送覺師西游乞

御書

累聖多材藝留神翰墨間皇墳非小道玉版徧藏山
上士持三學西行謁九關奎華如可捧歸伴白雲閒

送分司吳太博還鄉

休官衆未許分政且歸閩名係金閨彥身為蕙帳人
林泉新得主冠履漸無塵知足應常足安能更問津

送任大中

真偽少分別吁嗟此世情西施作老婢南郭逞新聲
命合生來困詩應沒後名旅游何所得赤日又徒行

送杜奉職

青紫皆同道稀曾到薛蘿感君非我輩無事每來過

此別當貧病何年共醉歌人生有後會爭奈鬢雙皤
送陽曲蔡尉

鳳皇貴在德孔翠豈無文詩禮多承訓賢能迥出群
談清蛻塵滓志大躡烟雲更喜并州牧豪英天下聞

送武陵令

之子當為邑吾朝信擇人位卑難立事任重合憂民
槃瓠多遺種桃源即近隣登臨如有見才思日應新

送酸棗鄧主簿

畿縣官雖小京華日可親文章成薄俗交結最難人
典學應無廢存誠況已純邦工尋尺用杞梓詎沉淪

送仙遊知縣許延評

策名曾未幾奮迅出埃塵陋巷潛心久身衢得意新
君恩方責報良業近多貧莫學悠悠者謀身不為人

送杜寺丞知永城

薦表同時入天衢自此通弦歌新邑宰清白舊家風
官舍隋河北離觴華谷東島哉松栢操咫尺是堯聰

迴廖解元所業

昔者聞鄉舉良田恐甚蕪于今觀日益珍樹已垂珠
衆惡吾雖察謙卑孰敢踰聖賢明訓在只此是亨衢

送張寺丞

槃瓠多遺種桃源即近隣登臨如有見才思日應新
送酸棗鄧主簿

畿縣官雖小京華日可親文章成薄俗交結最難人
典學應無廢存誠况已純邦工尋尺用杞梓詎沉淪

送仙遊知縣許延評

策名曾未幾奮迅出埃塵陋巷潛心久亨衢得意新
君恩方責報民業近多貧莫學悠悠者謀身不為人
送杜寺丞知永城

薦表同時入天衢自此通弦歌新邑宰清白舊家風
官舍隋河北離觴華谷東勗哉松柏操咫尺是堯聰
迴廖解元所業

昔者聞鄉舉良田恐甚蕪于今觀日益珍樹已垂珠
衆惡吾雖察謙卑孰敢踰聖賢明訓在只此是亨衢

送張寺丞

三載居鄰縣得聞金玉音路遙相見少道合受知深
已矣瓜時戍悠哉魏闕心歸舟望不及白日隱寒林

送何秘丞

吳人作蜀官萬里泝驚湍地俗雖云異民情想一般
智明終戒察政惠不須寬前史多循吏乘閑更熟看

送劔州張掾

名在鄉書久恩由父任優從今紹清白即此是箕裘
交結多良士經過半舊游舉知應有望鴻翼佇橫秋

送演教大師東遊

野客相知久年來髮漸華衣冠從異教言行似儒家

通塞隨天命遨遊徧海涯武夷應有會好去醉流霞

寄贈福山長老

時世重因循師何獨苦辛潔齋徒衆散剛直里間嗔
游藝能濟物舊交多雅人雲山雖好住住久轉勞神

五言六韻

書樓夏晚

地僻無他管樓危有剝涼遠流通越派殘日共秦光
鳥道頑雲黑人家病葉黃高情夢箕穎閑景畫蕭湘
山藥香多桂漁歌濁少商太平知可喜何者是簪裳

小杉

小杉高丈餘體直立還孤任過千年雪應無一節枯
鬼狂從髮解龍長怕鱗龍惟狀春寧笑清聲月所娛
地終存古氣景合在仙圖不作明堂用良工莫厚誣
乾元節群臣祝壽小人無位以詩繼之

帝命當敷佑民生有厥初千秋唐節日萬國禹朝車
韶羨笙鏞外需亨飲食餘神仙似姑射夢想即華胥
嘉會誠難得愚忠敢自疎古人誰最壽無逸在周書

悶書

行行四月晦絺綌未能裁天氣疑無定春寒恐再來
襲衣從汗浹交扇取風回野秀深成黑鑪薰冷作媒

年高情已淡俗薄意多猜李杜今何在芳樽誰與開

同徐殿丞遊麻姑山陳屯田聞之以詩見寄

次韻第一首

良友嗟塵網相期物外遊求珠非赤水不死是丹丘
机上麟交檝樽中蟻亂浮仙家一度醉人世幾千秋
藥氣多留鼎茶香細出甌堯人方曠蕩容易學巢由

五言八韻

送李著作知柳州

到官十五月太半在他邦惠術未施一公心無與雙
剖符新使粵盡室始浮江地理將分嶺行程即下瀧

旅愁侵酒坐秋色漏船窓屬吏誰非懾群蠻不易降
人稀財豈厚俗異性多恚自此觀賢業洪鍾且試撞

五言十韻

送知縣蘇秘丞移英州

大邑曰南城唯君治道行何曾設鈎距到底是聰明
鼎在神姦伏鷹來鳥雀驚詐窮多自笑刑重亦知平
府史如廉士農桑學頌聲在官嗟不久丕績已垂成
嶺路當過庾州圖喜得英遠人天與幸弊俗日將清
遊刃非無地搏風別有程上心應寤寐彝器待書名

夏日雨中

一雨遂不止我行當此窮蜀東天亦漏堯後水猶洪
大點有片重密濛無寸空曉唯壺箭覺暖似炭爐通
書筆提梅洗征衣擘潤烘簾間稀去燕枕下即鳴蟲
竹粉千腰白桃皮半頰紅物華嬌自銜天意猛相攻
酒退愁城外吟興憤涌中遣誰咨畢宿留作旱時功

七言二韻

鄉思

人言落日是天涯望極天涯不見家已恨碧山相阻
隔碧山還被暮雲遮

少年

旅愁侵酒座秋色漏船窓屬吏誰非懼群蠻不易降
人稀財豈厚俗異性多恚自此觀賢業洪鍾且試撞
五言十韻

送知縣蘇秘丞移英州

大邑曰南城唯君治道行何曾設鉤距到底是聰明
鼎在神姦伏鷹來鳥雀驚詐窮多自笑刑重亦知平
府史如廉士農桑學頌聲在官嗟不久丕績已垂成
嶺路當過庾州圖喜得英遠人天與幸弊俗日將清
遊刃非無地搏風別有程上心應寤寐彝器待書名

夏日雨中

一雨遂不止我行當此窮蜀東天亦漏堯後水猶洪
大點有片重密濛無寸空曉唯壺箭覺暖似炭爐通
書筆提梅洗征衣擘潤烘簾間稀去燕枕下即鳴蟲
竹粉千腰白桃皮半頰紅物華嬌自銜天意猛相攻
酒退愁城外吟興憤涌中遣誰咨畢宿留作旱時功

七言二韻

鄉思

人言落日是天涯望極天涯不見家已恨碧山相阻
隔碧山還被暮雲遮

少年

新翻曲調恐人傳不許高聲唱玳筵金獸也嫌春態
淺向風噴作綠楊烟

自勉

月欲東生日又西莫隨兒女醉明時黃泉一向埋愚
鬼不與人間史筆知

戲題玉臺集

江右君臣筆力雄一言宮體便移風始知姬旦無才
思祇把函詩詠女功

讀皮襲美病中書事詩有可憐真宰意偏解
困吾曹之句偶代答之

刺虎屠龍古有名事於難處迭相矜要知真宰爭功
意困得英雄始是能

雪中見梅花 二首

品物由來貌取難共言花卉易凋殘寧知姑射冰肌
侶也學松筠耐歲寒

數枝斜出短牆陰密雪無端苦見侵天意似憐群木
妬盡教枯朽作瑶林

和慎使君出城見梅花

化工呈巧異尋常鏤月裁雲費刃芒莫惟使君曾立
馬染衣渾似有花香

雪中贈柳枝

暖氣來時柳眼新一場
冰雪更愁人要知真宰無誠
信取次東風未是春

柳枝答

春早寒餘豈足哀平生多難媿非材
去年二月都城裏曾共花房帶雪來

慶曆二年二月五日京師大雪

和天慶觀瑞香花

聞說仙花玉染紅別留春色在壺中
瑤臺若見飛瓊面不與人間夢寐同

烏鵲

烏鵲翩翩競羽毛南飛無樹過良宵
就中管得他人事祇與天孫倩作橋

方平

五百餘年別恨多東征重得見青娥
擘麟始擬窮歡樂不柰閑人背痒何

璧月

璧月迢迢出暮山素娥心事問應難
世間最解悲圓缺祇有方諸淚不乾

睡起

簾卷鱗紋帳繫紗六龍西降樹陰斜
祇應夢裏成胡

蝶猶記南園數種花

讀長恨辭二首

玉輦迢迢別紫臺
繫環水畔忽興哀
臨邛謾道蓬山好
爭奈人間有馬嵬
蜀道如天夜雨淫
亂鈴聲裏倍霑襟
當時更有軍中死
自是君王不動心

弄妻

有窮兵死為遊畋
惆悵佳人獨上仙
試問單棲與同穴
可能雲漢勝重泉

梁帝

凝旒南面總虛名
廟祀何曾暫割牲
但學禪心能忍辱
莫羞侯景陷臺城

鞦韆二首

華郭春光欲暮時
綵繩爭蹴夜忘歸
佳人下道羅紈重
擬共楊花苦鬪飛

風靜高標埋暗霧
月明孤影落澄波
狂心擬逐游童上
無奈春醪足困何

朝漢武

甲帳居神本妄言
露盤猶在國東遷
欲知千載金人淚
為耻君王不得仙

戚夫人

百子池頭一曲春君恩和淚落埃塵當時應恨秦皇
帝不殺南山皓首人

有感

官家的的要寬征古時什一今更輕州縣酷嫌民漸
富幾多率歛是無名

白刃劫君君勿言人生禍難俱由天君家歲計能多
少未了官軍一飯錢

庭下縲囚何忿爭刀筆少年初醉醒黃金滿把未迴
眼笑殺迂儒欲措刑

自遣

富貴浮雲畢竟空大都仁義最無窮一千八百周時
國誰及顏回陋巷中

睡思

睡魔氣勢重千鈞壓倒心閑食飽人莫笑生間常似
醉當年滿腹是精神

遊寺醉歸却寄同坐

江村古寺偶閑行一飲全疑酒有靈水底屈原應大
笑我今獨醉衆人醒

索酒

諫傳神上人

最陋徒煩妙筆傳呼兒看了獨凄然丹青不解隨人
老相似都來得幾年

次韻荅提刑孫都官 二首

病樹難隨萬木榮閉門終日自愁縈繡衣使者知何

取肯向民間問死生

真實由來世上稀幾人相見不相知如今一字成華
袞豈識龍章與鳳姿

謝知縣徐殿丞示及新詩

當時子賤好接琴千載誰傳治世音珍重南城多暇
日盡將風化入清吟

送流人

人情自古怕遷移更去南方路險巖從此異鄉誰是
侶只應明月解相隨

送周山人

不醉多愁醉多病幾迴愛酒又停杯死生若是有天命莫放愁來任病來

憶錢塘江

昔年乘醉舉歸帆隱隱前山日半街好是滿江涵返照水仙齊著淡紅衫

謝傳神平上人

最陋徒煩妙筆傳呼兒看了獨凄然丹青不解隨人老相似都來得幾年

次韻荅提刑孫都官

二首

病樹難隨萬木榮閉門終日自愁縈繡衣使者知何

取肯向民間問死生

真賞由來世上稀幾人相見不相知如今一字成華袞豈識龍章與鳳姿

謝知縣徐殿丞示及新詩

當時子賤好接琴千載誰傳治世音珍重南城多暇日盡將風化入清吟

送流人

人情自古怕遷移更去南方路險巖從此異鄉誰是侶只應明月解相隨

送周山人

鬼事無形尚可疑人倫有驗衆皆知武夷山路幾百里歸去西風落葉時

遣興

境入東南慶處清不因辭客不傳名屈平豈要江山助卻是江山遇屈平

詠桃

方朔相逢阿母家別來幾度換年華春風合是教伊笑開盡無名草木花

閏正月三日偶書二首

一步寒郊一慘眉望春春色苦來遲東君未必私桃

李只恐梅花謝有時

無賴年年逐酒徒今年不飲興何如醉鄉若有人名籍但願春風點檢疎

論文二首

今人往往號能文意熟辭陳未足云若見江魚須慟哭腹中曾有屈原墳

天寶年中事事新長安還有謫仙人騎鯨去後無尋慶輸與勾芒自管春

送僧遊廬山

行非為客住非家此去廬山况不遐要見南朝舊人

物池中唯有白蓮花

李郭

元禮禍成鉤黨後林宗身免閉門時死非不智生非
怯同室鄉鄰各有宜

戲題荷花

昔人詩筆說蓮花不嫁春風早可嗟今日倚欄添懊
惱池臺多是屬僧家

戲贈月

夢中識路亦何為古詩有夢中不識路之句恰要逢人已自迷一月
解行天一匝嫦娥猶未免單棲

葛彼懷古

按費長房傳高陂當在汝南今信州弋陽有之未明其故

長房化去已千年鬼魅紛紛不畏天老鼈若來為太
守何人殺向葛陂邊

七夕二首

無奈家家乞巧何豈知天上拙人多喚他烏鵲辛勤
殺纔得扶昇渡淺河

一年一度暫和諧幽閑生心亦可猜莫道乘槎無徑
路支機曾屬客星來

宗人宅折桂堂

從來皎月印長空桂樹遙看影在中好問素娥多折

漢宮

哀平外立國權分只為當時乏嗣君試問莽新誰佐
命最應飛燕是元勳

景陽宮井

以色從人自古然幸逢聖主得稱賢太王姜女來岐
下應不相將墮井泉

燕雀

燕子從來巧語聲主人相愛是常情黃頭老雀何能
解飽食官倉過一生

繡戶珠簾見最頻暖來寒去但安身翟公門下特飛

取莫教閑占水晶宮

麻源題壁

一到麻源日又曛
幾迴欲起卻逡巡
世間豈是無山水
不柰閑人好聒人

馬嵬驛

六軍剛要罪楊妃
空使君王血淚垂
何事國忠誅死後
不將林甫更鞭尸

齊世家

莫以荒淫便責君
大都危亂為無臣
若教管仲身長在
何患夫人更六人

漢宮

哀平外立國權分
只為當時乏嗣君
試問莽新誰佐命
最應飛燕是元勳

景陽宮井

以色從人自古然
幸逢聖主得稱賢
太王姜女來岐下
應不相將墮井泉

燕雀

燕子從來巧語聲
主人相愛是常情
黃頭老雀何能解
飽食官倉過一生

繡戶珠簾見最頻
暖來寒去但安身
翟公門下時飛

入全勝交情斗頓入

張禹

漢室尊儒未得真
只求學藝不知人
君王幸已疑王
氏苦把春秋助賊臣

孔光

王莽欲為先與草董賢將過自迎門
省中樹木何閑事却對妻孥不肯言

元紀二首

孝宣應是不知書
便謂先王似豎儒
若使周家純任德親如管蔡忍行誅

君道乾剛豈易柔
謬牽文義致優游
高皇馬上辛勤得總被儒生斷送休

聞鶯

終轉歌喉碧樹枝
鶯飛還避巧丸兒
可憐蜂蝶無言語入徧花房人未知

學北堂有海棠一株顏色至佳凋落稍速憶而為詩

來時初見滿枝紅
壁碎珠沉幾日中
宋玉有鄰誠耐事三年猶在短牆東

玉胡蝶花

胡蝶生來只愛花，春工描樣作奇葩。
莊周有夢何曾覺，冰雪肌膚落幾家。

次韻荅陳殿丞南塘觀魚見寄

鱗鬣摧殘幾許年，水平風靜得潛淵。
喜無美味登君

俎，且學鸞龍盡日眠。

陳丞以魚在深淵借喻鄙薄故有是荅

送傅野

國學先生石與孫，金鈴木舌士林間。
欲將天下觀諸掌之子，從今上泰山。

送杜萬

谷口生涯已是貧，素衣還擬冒京塵。
因風早寄登科

信裝點江南幾日春

儒行

一死相從患難時，何人能與古人齊。
鄙生泉下還知否，賣友而今價轉低。

感義

懊惱常人只好儒，古來忠義出屠沽。
試將未亥相倫擬，幾箇衣冠是丈夫。

屈原

秋來張翰偶思鱸，滿筋鮮紅食有餘。
何事靈均不知退，却將閑肉付江魚。

賢不必道愚才寡他他無處問蒼穹
可憐富貴君之柄斷在山人指掌中

送夏且赴舉

嶺梅初盡草初生
馬上春風酒易醒
好共大鵬雙奮擊
此行有路到南溟

送春

宜春臺上送春歸
淚滴金杯不自知
懊惱黃鸝解言語
飛來唯見落花枝

曉角

腸斷城頭畫角聲
燈青月黑酒微醒
濃香夢裏誰曾管
只有離人夜夜聽

送丁正臣

鈇斲辛勤四十年
搏風不上鬢霜寒
朱門何處是知己
短褐空瓢行路難

惜才

子雲辭賦似相如
自說雕蟲異壯夫
何事犬羊誇質

宋玉

世間佳麗每專房一顧多應萬事荒
夢裏若無真實處不妨頻為賦高唐

贈日者鄒生

賢不必通愚不窮悠悠無處問蒼穹
可憐富貴君之柄斷在山人指掌中

送夏且赴舉

嶺梅初盡草初生馬上春風酒易醒
好共大鵬雙奮擊此行有路到南溟

送春

宜春臺上送春歸淚滴金杯不自知
懊惱黃鸝解言語飛來唯見落花枝

曉角

腸斷城頭畫角聲燈青月黑酒微醒
濃香夢裏誰曾管只有離人夜夜聽

送丁正臣

鈔繁辛勤四十年搏風不上鬢霜寒
朱門何處是知已短褐空瓢行路難

惜才

子雲辭賦似相如自說雕蟲異壯夫
何事犬羊誇質

素患他人愛著貂狐

登越山

臘後梅花破碎香望中情地轉淒涼遊山只道尋高
處高處何曾見故鄉

送古山人

喜聞吉事怕聞凶天下人心處處同乍出山來言語
拙莫將刺字謁王公

送毗師西遊

望望玉城十二門青山行盡入紅塵近來富貴皆天
與到處應多問命人

送春寄呈祖袁州 二首

去年春盡在宜春醉送東風淚滿巾今日春歸倍惆
悵相逢不是去年人

東君此去幾時來雪裏梅根待暖迴莫似仙家寒落
甚蟠桃千歲始重開

酬陳屯田途中所寄

封豕長蛇戰嶺南何人肉食不懷慙只今唯有高眠
好風弄松聲水澌庵

正月二十日俗號天穿日以前餅置屋上謂
之補天感而為詩

媧皇沒後幾多年
夏伏冬愆任自然
只有人間閑婦
女一枚煎餅補天穿

送薛經

多能未必有相知
况是東南義士稀
京洛路長何日到
風塵依舊化人衣

僧志月碧雲軒改為景雲軒因書二首

長見江淹雜體詩
碧雲非是惠休詞
試言日暮佳人
怨何事高僧卻得知

景雲持律冠當年
遺迹雖沉古寺存
釋子若能精進
去便應題作景雲軒

書景雲軒壁

二江斜入似娥眉
盡日凭高把酒卮
貧賤別應無好處
猛忙中是我閑時

因遊華子崗題麻源壁

平生猶未識紅泉
今日纔遊石磴邊
宿雨半晴秋草
濕困來無處可閑眠

直講李先生文集卷之三十六終

直講李先生文集卷之三十七

近體

七言四韻

苦雨初霽

積陰為患恐沈綿革去方驚造化權
天放舊光還日月地將濃秀與山川
泥途漸少車聲活林薄初乾果
味全寄語殘雲好知足莫依河漢更油然

野人

村落蒼茫半草茅路無車轍水無橋
婚姻取足唯春繭盍酪歸來待晚樵
一樣寬衣疑效古幾人華髮未

經徃相逢不會寒温語借問官家合是竟

書麻姑廟

流俗好仙方學道至人樂道自成仙飛昇若也由貪
欲紫府還應用詐權塵裏笙歌千古夢洞中星斗樂
家天無心便是歸真日姪女河車總謾傳

客有話故丁祕監京師舊宅因而傷之

等閑榮謝已愁聞况話三公極寵身青史尚為今世
事朱門不是舊時人文章散入諸蕃口花藥留添上
國春生死交情渾易見有誰過此為活巾

五龍塘

世傳鱗物有蟠時分得寒泉住翠微天命雖教為潤
澤神心終是索虔祈一圍石岸利無迹幾族陰雲禁
不飛風脚斗回波面黑向人渾似逞嚴威

寄小兒

兩世紫紫各一人

予無兄弟才生此兒三歲矣

生來且喜富精神欲教

齟齬從師學祗恐文章誤爾身但有犁鋤終得飽莫
看紉綺便嫌貧不知別後啼多少苦問家僮說未真

季夏雨中宛有秋色四望之際百感生焉因

題於然

粟花時節雨脩脩莫道如秋即是秋客路幾千成大

夢年華一半落東流
眼存將聖生前筆
心得騷人格
外愁微物若教無
所失塵埃猶願補
嵩丘

秋懷

褚冠斜頂對清秋
病骨支撐懶上樓
輔世功夫何日是
少年滋味此生休
山含紅樹隨時老
天帶黃昏一例愁
自笑酒腸空半在
前村無處典鷄裘

書松陵唱和

天命相逢陸與皮
當年才調兩權奇
朝端未有輸忠處
詩外應無用力時
意古直摩軒昊頂
言微都洩鬼神私
近來此道中興也
泉下英魂知不知

七夕

天孫何許是來時
月意惓惓露氣微
可道星河難得過
自緣烏鵲合高飛
秋宵已勝春宵短
今會還如古會稀
早晚望夫能化石
盡分人世作支機

早起有懷

草草西風動葛衣
呼僮前啓竹間扉
山僧好睡鐘聲晏
社戶多貧酒氣微
豈是客愁渾較可
祇因書卷解忘歸
野江百里清無滓
枉屬閑人坐釣磯

留題歸安尉凝碧堂

騷人得助是江山
千里幽懷一凭欄
野色豈唯春晚

秀天風長似月邊寒身閑暫覺塵埃遠境勝纔知宇
宙寬祇恐仙壺提挈去不教凡眼醉中看

答張駿嶽

幾年江外恣荒唐偶脫荷衣覘國光自是狂言無可
擇敢嗟賢路有相妨謾將文史為生業已約漁樵共
醉鄉多謝故人貽絕唱爰居寧解聽鏗鏘

清明日作

遲遲日景坐成曛聞說清明在此晨花卉不宜愁眼
看勾芒能為幾人春銷磨志氣多因老點檢交游半
作塵欲向醉鄉聊自適病來還厭舉杯頻

晚思

一檻東風小箔開亂山明暗水縈迴流年漸共春華
去暴熱還隨霽色來天氣濁多人欲睡地形卑甚物
先梅因知楚客迷魂處不是江東不足哀

暮春始遊城西

病多無力逐紛華三月衡門未見花長恐後期成索
寞果逢殘景獨咨嗟欄干倚望山空在杯酒遲留日
易斜謾說明年更春色不知園囿屬誰家

寄傅代言

交游散盡客來稀門掩城隅晝漏遲春地更無嫌草

處雨天還有詐晴時輕量世事世不罪冷笑人言人
豈知猶喜道途收拾早將閑對病最相宜

丙子冬至夜酒醒

盡道一陽初復時不期風雨更淒淒凌晨出去逢人
飲沉醉歸來滿馬泥多恨恐成干斗氣欲言那得上
天梯

韓文公月蝕詩有無梯可上天之句

燈青火吟睡半醒殘葉打窓

烏夜啼

南齋詠風

懊惱南窓一道風只應天配與貧窮不歸羅綺飄飄
處故入松篁冷淡中久座披襟塵榻穩半醒吹面月

帷空城邊菡萏今多少偷得清香是爾功

小雨

已是蛟龍未肯忙誰教蟬螻更相妨來時槁葉踈踈
響過後浮雲片片光徑草微滋垂粉汗砌沙圓滴簇
蜂房嗟予不及高飛鳥先得天邊幾點涼

題淨居院

寺門幽獨傍江城江水清含地氣清隔岸樓臺人醉
死遶堦松竹夏寒生路經橋遠塵難過僧占閑多俗
不爭唯有行吟憔悴客這迴須去濯長纓

清暉亭

池亭何處占清暉只在暉江更向西山上白雲如有
雪水中明月似無泥郊原不改春來秀徑路終憂客
到迷沈約東陽曾入詠使君才調好留題

往山舍道中作

截竹成輿不用輪東行盡日穩宜身前看疊嶂如無
路每到平田始見人下戶半曾差作役朽株多已祀
為神生涯一撮誠何有且免庸兒共拜塵

秋晚悲懷

漸老多憂百事忙天寒日短更心傷數分紅色上黃
葉一瞬曙光成夕陽春水別來應到海小松生命合

禁霜壺中若逐仙翁去待看年華幾許長

殘葉

一樹摧殘幾片存欄邊為汝最傷神休翻雨滴寒鳴
夜曾抱花枝暖過春與影有情唯日月遇紅無禮是
泥塵上陽宮女多詩思莫寄人間取次人

哭十姪

到官六月一作寄書迴未病封題死後開一命至卑
人盡得九泉何事獨相催唯憂旅櫬還鄉遠况是親
喪繼踵來數世學文終若此可憐門戶轉隳頽

秋陰

一夜風聲曉更狂起來庭戶頓淒涼不知紅日在何處時見黑雲微有光天落水中燕鴈影露啼林罅帶楓香愁人莫苦登高閣說著江山已斷腸

寄介夫

天恨吾儕各一方夕陽千度到西窓因循流俗今皆是磊落如君信少雙書未隔年難得報心從薄官始應降可憐漢水無拘係長與盱江會九江

書懷寄介夫

棄材幸免雜輿新收拾緇衣出洛塵漸老得閑纔是性謾言成謹且隨人能傳身後須文字要識胸中只

鬼神俗子不勞輕毀譽問天長乞醉鄉春

關徐

雲長不絕舊君情元直終隨老母行立效報公何感槩指心辭主更分明三方本以兵攻戰一士能為國重輕多謝曹劉存大度任教忠孝得成名

送張宏下第南歸

世家元是武夷孫四上觀光預國賓地底豈無干斗氣天邊爭柰飲牛人田宜秫稻應多酒路入溪山漸少塵身計未諧歸計好一樽猶可醉鄉鄰

葛陂逢何道士

十數年前別我行相逢猶是舊顏形
琴聲漸古聽來淡藥味雖凡試最靈
出有酒錢天下富住無家地浪頭
萍神仙可學應須學萬里蓬萊一點青

俞秀才山風亭小飲

炎炎千室熱如烘亭壓山頭獨有風
雨意生瘴雲彩黑秋容細碎樹枝紅
半天斜日歸心動一面平川醉眼空
却是夢魂無所得人間豈少翠微宮

謝宋屯田見示永平錄海南編

多少儒衣只假塗賣來誰肯更觀書
其間或以文爭勝未見如君識有餘
長把六經為準的最應三代是

權輿可憐後世名空在直釣而今豈得魚

閩中歲暮

休道南人暖過冬苦寒今與北方同
霜嚴欲裂地到底日短不行天正中
誰使智愚相伴老便將榮辱斷還空
鄉愁莫更欺閑客薄酒從來亦有功

白樂天有酒功贊

送侯殿直之官吉州

待詔何年別玉堂筆端渾欲繼鍾王
官資未出風塵外蹤迹曾親日月光
扶老只今非遠道薦能從此有封章
廬陵若要高文寫爭得滁州在故鄉

滁州歐陽使君廬陵人也

偶題饒秀才谿光亭

北出城來駐馬蹄君家別館幸臨谿
斷潦水到秋痕漸低萬事熱心成
浩歎一樽撩眼怕長迷俗人誰會
儒生意是處醉吟還日西

宗人宅仁知閣

江南盡是山水地君子固求仁知名
可憐塵土不到眼只有雲泉相伴清
人間擾擾知何在日暮悠悠空闕行
明月一欄風一枕醉鄉猶可過浮生

早夏偶作

閑愁不覺過年光強半精神似醉鄉
幾度雨來成惡熱有時雲斷見斜陽
古人事業塵空滿故國園林草

自長賴得南華憐我病一篇齊物勝醫方

匈奴傳

漢家經武意如何也信狼心欲偃戈
豈是虜庭佳麗少自緣婚禮貨財多
女從宗室方掄擇賦出齊民更刮摩
若向大臣求姪媵當時誰肯議通和

忠武侯

齊霸燕強舊有基當年管樂易為奇
何如新野羈栖後正植曹公挾帝時
指畫二州收漢燼安排八陣與天期
才高命短雖無奈猶勝隆中世不知

次韻答陳殿丞見寄

顛倒江湖二十春，干時的是妄庸人。先容不肯收蟠
木，高足無從得要津。衆與善名酬苦志，莫將吟味養
閑身。食田飲井知誰力，下有驕兒上有親。

贈韓侍禁

闕闕山西舊將家，一官淪落向天涯。目皮相處應難
識，髀肉生來只自嗟。野圃幾年飢虎豹，旱雷何日起
龍蛇。吳歌楚舞時相慰，劍缺梅乾鐵有花。

送沈秘校

君家龍虎弟兄賢，斗酒相逢楚水邊。雨露自今榮一
命，塵埃未免困三年。高談欲出稠人右，敏政當居俗

吏前。異日能來見逋客，麻姑碧洞古時天。

寄題錢塘毛氏西湖園

昔年曾泛西湖流，君今更住西湖頭。人生多是未得
往，地上有天何處求。朱樓照影鐘磬曉，畫船落手芙蓉
秋。鯉魚赤鱗應不少，待與水仙相伴遊。

自解

人生何苦要多才，百慮攢心摘不開。夜月幾曾無夢
處，春風只管送愁來。禿毫強會悠悠事，浮世無過滿
滿盃。看取秦坑烟焰裏，是非同作一杯灰。

不寐



四壁空空絕語聲困來終是睡難成孤燈要與人相
背寒漏苦教天不明累月故園無信息幾般閑事惱
心情別愁若解生華髮一夕應添一萬莖

韓偓集有自撫州往南城縣舟行見拂水菡

薇之詩南城吾鄉也因題八句

韓偓當年赴七閩舟行過此倍凝神江邊石上知誰
處綠戰紅酣別是春往事幾多書不記仙源依舊地
無塵花光柳色今何限更有才人勝古人

代書荅陳次公

咄咄休休一世閑百年都是浪悲歡高談不待傍人

笑立事須知自古難時見老顏來鑑裏已將生計託

雲端六鼇未可揮刀斫肯便臨谿把釣竿

來書以俗子擬于來人願薦故有是若

和君賜題堯輔齋壁

書林老仙頭欲斑近日卜居吳楚間麻姑世界盡羸
得義皇興味先追還川流切對夏無暑山月出來門
未關笑殺區區躁求者不因貧病不曾閑

送王都曹

古木亭邊夜嚮晨餞壺重疊擁雙輪高文健筆科場
手白髮青衫宦路人十月霜風還劈面六街塵土會
欺貧麻源碧澗神仙地早晚歸來伴隱淪

送危太博

一片靈臺衆共知，宦途寧肯避危機。至誠似有神明助，盡室初從瘴海歸。烈火豈能傷美寶，覆盆終是見炎暉。人生未出功名外，多少京塵待染衣。

題虞侍禁山亭

嶺上欄楹締構新，我來登望倍凝神。可憐韜畧真名將，猶與谿山作主人。會把松心欺過雪，更憑花萼占留春。江南風物雖佳麗，爭奈燕然有虜塵。

君錫宰壽春

淪落多愁笑不成，水邊還是送君行。官為令長前程

好地近鄉關，喜氣生百里。有人觀惠術，三年唯我見。交情山中後，夜思賢處風。月猶應似舊，清

錢寺丞知白州

大邑歌謠日尚新，忽驚千騎擁行塵。宦游莫歎登長道，天意先教福遠人。城在海隅門少客，地鍾陽氣景常春。政成不患無知己，按察當今正直臣。

集賢社公出使廣西

次韻荅史太博

驛使將詩訪遠山，發函寧暇正衣冠。秦城未割難論價，燕谷纔吹已不寒。佔畢有心忘老至，惰農無罰賀恩寬。一枝數粒唯知分，豈是明時學考槃。

蟬

一蛭置塵向此生柳枯槐老正傷情高吟盡日知誰
聽零露充腸且獨清螿斧不勞陰致害貂冠猶可共
傳名騷人若有遺魂在應放寬聲伴爾鳴

寄史屯田

秀汝清盱數舍中繫匏名謁竟難通只知俗吏隆官
業不意高文有古風朝請待趨天屏北家園歸省浙
江東遠民利害間應熟早晚嘉謀沃舜聰

答丘寺丞示月蝕詩

一夜吟公月蝕詩睡魔驚走醉魂飛如將混沌重區

別要使君臣有等威天道至高全指掌古人雖死合
知非相思無計能相見何日軒車向北歸

蓬屋

長簷數尺庇堂東踈漏從來只有蓬日影碎如秋樹
下雨聲初似夜船中竹經蠹了多垂地箬到乾時半
捲空比處想非人所競衆言千萬莫相攻

堦基

堂前一級似堦墀無石無甃只舊基泥飾頃因年節
近躡崩唯是客行時誰曾羅襪雙來上多謝蒼苔久
不離從此便成貧景致竹簾垂處最相宜

宜春臺

謫官誰住小蓬萊
唯有宜春有古臺
千里待看臺末
去萬家攢作畫圖來
雲中羅綺香風落
月底笙歌醉
夢迴莫恠江山苦
相助騷人沒後得真才

東湖

古郡城池已瞰江
重湖更在郡東方
水仙坐下魚鱗
赤龍女門前橘樹香
路絕塵埃非灑掃
地無風雨亦
清涼使君待客多
娛樂只有醒時覺異鄉

送趙拊祖諱湘

先朝名士有遺孫
狼籍麻衣化洛塵
筆下每求千古

意醉中曾過幾迴
春勞生只見年年老
客路相逢事
事新滿座狂歌時
莫笑眼看燕市若無人

太平州十詠亭

客遊無日暫開顏
姑孰谿邊偶得閑
風景直疑圖書
出古今都似夢魂間
桓温罪逆休重問
謝傳英靈已
不還深美謫仙遺
世務酒船推鼓浪如山

送王尉

義激中心不再思
宦途從此抱瑕疵
誰憐君子篤親
意况是明王孝治
時靖節田園應久廢
尚平婚嫁豈
宜遲一官塵土休迴顧
海上群鷗舊有期

野意亭

福唐城郭掌中窺
旭日登臨到落暉
誰在畫簾沽酒處
幾多鳴櫓趁朝歸
晴來海色依稀辨
醉後鄉愁積漸微
山鳥不知紅粉好
纔聞歌板便驚飛

靈源洞

纔出塵來尚未知
漸攀藤竹漸臨危
伏流似是龍藏處
古樹應無春到時
誰把石崖齊剝削
直教雲氣當簾帷
良工畫得猶宜秘
莫與凡夫肉眼窺

送陳司理

平生直道耻求人
下位沈英久未伸
齊吹古來偏有

濫葉龍今更不宜
真天邊奕世三台貴
江上先廬一畝貧
大抵窮通相倚伏
這迴寒谷解逢春

送黃承伯

君來別我向番陽
時節初春曉尚霜
茶褐園林新柳色
鹿胎田地落梅香
此行硯席多知己
是處樓臺可舉觴
只恐詔書非以下
槐花又在眼前黃

謝蔡十八丈相示詩卷

昔年多幸枉高軒
示我新詩累百篇
使者即時還趙璧
夢魂今尚憶鈞天
椽鞍馬援誰云老
陋巷顏回始是賢
桂樹寒山風景好
近來應更有長編

清話堂詩

至和元年秋九月與周伯達宿景德寺義
明上人房予意誦李涉詩云無限心中不
平事一宵清話又成空其意與今夕相似
因目其處為清話堂且題八句

釋子相延暫解冠一宵清話到更闌
漆盤香燼死蝱
蚓紙瓦雨聲鳴禪丸往事莫將開口笑
勞生誰在定
中看明朝額面還歸去依舊塗泥濺馬鞍

送柳縣吳主簿

數十年來預薦書當時文行僉群儒
青衫近始霑王

澤白首從新入宦途四壁生涯雖寂寞
一官趨進轉
崎嶇楚南若是江山好閑日猶應味道腴

覽余竟輔詩因成七言四韻

少年心苦向毛錐老大生涯只有詩
哀樂萬端成畫
續江山大半入鑪鎚格如平易人多愛
意到幽深鬼
未知白髮尚新才不盡幾時吟興是哀時

次韻酬屯田陳文見寄

老羊纔到病還催老病成叢撥不開
腹冷有時如咽
雪耳虛終日獨聞雷半生辛苦歸三徑
萬恨銷磨向
一柘賴得竹窓無事處清風頻共故人來

同徐殿丞遊麻姑山陳屯田聞之以詩見寄

次韻第二首

塵寰漸遠漸淒清似向崑崙采玉英此地已知鄰華
子幾人猶道識方平步高那復肌膚重心逸都疑羽
翼生苦恨俗緣無了處歸來依舊馬蹄聲

和陳屯田送知縣徐殿丞次韻

近年雙闕暫鳴珂出宰南城戶數多古道存心公道
顯惡人銜口善人歌登高賦處英辭在垂橐歸時舊
物鉞當比瑞金隳訟後要移風俗擬如何

和屯田陳丈寄唐休次韻

白屋從來未有官一名須作佛名看彥倫北谷重歸
去安石東山足舊歡常調幾時趨鳳闕湛恩唯待立
雞竿胷中况是多奇蘊自比陽春退苦寒

和王刑部遊仙都觀

尋幽西去路非賒回首紅塵事可嗟不待鸞驂并鶴
駕便分人世與仙家幾函道箴金壺墨一片秋容玉
井花還似武夷高會日骨凡猶幸醉流霞

和遊丹霞有懷歸之意

暫時來訪道家流肯伴煙蘿滯一丘為憶長安瞻日
下欲尋蓬島向鼇頭陶潛醉後雖眠石王粲憂多更

上樓宣室歲餘虛席在青山何路更重遊

七言八韻

送知軍曹比部移虔州

要知賢者善居官法自嚴明性自寬
黠吏欲欺難作計愚民初懼久方安
獄辭大小情皆見市物公私價一般
農力不聞供土木窮閭猶得免飢寒
星為二使來巡撫汝未三年悉可觀
劇郡便當煩鎮守君恩寧許更盤桓
兩轡贛水行非遠五袴盱江日漸單
從此天衢龍躍去野人懷德謾悲酸

直講李先生文集卷之三十七終

直講李先生外集卷第一

告詞二

劄子四

薦善三首

告詞

勅建昌軍草澤李觀藩臣仲淹以觀所著文二十四篇來上予俾禁掖近侍詳較皆曰學業優議論正有立言之體且履行脩整誠如薦章所云故特以一命及爾爾其益自進于道勿患朝廷之不知也可特授將仕郎試太學助教不理選限

皇祐二年七月

日

勅將仕郎試太學助教說書李觀夫太學者朕所以

出教化而賢士之所由進行誼也師儒之官可輕授乎爾醇明茂美通于經術東南士人推以為冠自佐學政逾年于茲孜孜渠渠務恪厥守祭酒司業以為博士之職莫宜于爾是用推恩爾其悉心使諸生矧矧興于廉讓而服于教訓則其善也可特授通州海門縣主簿太學說書散官如故

嘉祐三年七月

日

劄子

國子監奏伏觀試太學助教李觀素負才學博通經史當應制科舉雖因名臣薦論命以試官不露政祿

而養道立壑聚徒教授南方士流皆宗師之欲望朝廷特與注授一官差充太學說書所異有裨庠序風化之職如蒙擢用後犯入已贓及不如舉其本監主判管幹官並甘同罪候

勅旨會問到國子監稱李觀在建昌軍或在撫州奉聖旨李觀今赴太學供職劄下江南西路轉運司指揮發來赴闕仍仰見在處支賜盤纏錢伍拾貫文

右劄付李觀

國子監奏據屯田員外郎充直講楚泰等狀伏見大理寺丞篆石經張次立素有學術深通經義俾居講

席足厚素嵐泰等欲乞補充直講填殿中丞孫復闕
當監體量得本官實有學行深明經藝可補講員伏
乞

朝廷特賜差補如蒙擢用後犯入已贓管幹主判官
並甘同罪候

勅旨續據國子監奏已保舉張次立充直講填孫復
闕竊慮未依得自來條制竊見試祕書省校書郎文
勸劉棐素有履行通經術堪充國子監直講填孫復
闕候

勅旨勘會太學助教李觀已奉

聖旨令赴太學供職檢會令文太學助教掌貳博士
事分經教授

右奉

聖旨宜令李觀依前降 指揮赴學供職其孫復名
闕更不差人所舉張次立等不行

右劄付李觀准此

太子中允充天章閣侍講兼管幹太學胡瑗奏為臣
多疾乞於通州泰州秀州連水軍無為軍江陰軍廣
德軍除臣一差遣候

勅旨奉

聖旨胡瑗再與假將理仍差李觀權同管幹太學

右劄付李觀

國子監奏據通州海門縣主簿太學說書權同管幹太學李觀狀為有祖母墳在建昌軍未祔先塋今欲請假往彼遷葬申乞指揮所據李觀狀候

勅旨奉

聖旨依奏除程給假一月不得有違日限所有太學公事仍仰鄭穆權管幹李觀回日仍舊

右劄付李觀准此

薦章

范文正公二首

右臣聞聖人坐以待旦旁求俊乂蓋將盡天下之才成天下之務故為臣者以舉善為忠亦將竭知人之明副待旦之意也臣親逢聖辰嘗忝近輔輒慕前脩之節少答非常之遇臣伏見建昌軍草澤李觀前應制科首被召試有司失之遂退而隱竭力養親不復干祿鄉曲俊異從而師之善講論六經辯博明達釋然見聖人之旨著書立言有孟軻楊雄之風義實無愧於天下之士而朝廷未賜采收識者嗟惜可謂遺逸者矣臣竊見往年虜州草澤周啓明工於詞藻又

江寧府草澤張元用及近年益州草澤龍昌期並老
於經術此三人者皆蒙 朝廷特除京官以示獎勵
臣觀李觀於經術文章實能無富今草澤中未見其
比非獨臣知此人 朝廷士大夫亦多知之臣今取
到本人所業禮論七篇明堂定制圖序一篇平土書
三篇易論十三篇共二十四篇編為一十卷謹繕寫
上進伏乞

聖慈當乙夜之勤一賜御覽則知斯人之才之學非
常儒也其人以母老不願仕宦伏乞

朝廷優賜就除一官許令侍養亦可光其道業榮於

閭里以明聖人在上下無遺才若不如舉狀臣甘重

受 朝典謹具伏奏 聞伏候

勅旨

皇祐元年十一月二十日

臣伏見建昌軍草澤李觀十餘年前曾撰明堂圖并
序一首大約言周家之制見於月令及考工記大戴
禮而三家之說少異古今惑之觀能研精其書會同
大義按而視之可以制作臣於去年十一月錄進前
人所業十卷其明堂圖序為一卷必在兩制看詳今
朝廷行此大禮千載一時何斯人學古之心上契

聖作臣今再錄其圖并序上進伏望特賜

聖覽於 朝廷討論之際庶有所補仍乞詳臣前奏
殊加 天獎以勸儒林取進止

六月 日

余侍郎一首

具銜臣余靖伏覩先降 勅節文賢良方正能直言
極諫并高蹈丘園等料並許少卿監已上及本路轉
運使副逐處長吏奏舉者 右謹具如前臣竊見建
昌軍草澤李覲博學通識包括古今潛心著書研極
治亂江南儒士共所師法曾於慶曆元年應茂材異

等料祕閣召試下第退居鄉里四方生徒從之講習
有此寒畯淹在草萊於臣鄰封不敢緘蔽臣又伏見
草澤邵亢與覲同時就試後來亢以臣察奏舉已授
職官今覲退居獨未蒙用伏乞

朝廷特與召試以廣得賢之路謹具狀奏
聞伏候 勅旨

直講李先生外集卷第一終

直講李先生外集卷第二

名公手書

范文正公

仲淹白秀才李君在鄱陽勞惠訪尋以改郡不敢奉
邀今潤州初建郡學可能屈節教授又慮遠來難為
將家蘇州掌學胡瑗秘校見明堂圖亦甚奉仰或能
挈家必有經畫請先示音為幸保愛保愛不宣仲淹
上李君奇士足下

八月十九日仲淹頓首秀才仁弟別來傾渴無已想
至仙鄉拜慶外無恙此中佳山水府學中有三十餘

人闕講貫與監郡諸官議無如請先生之來必不奉
誤誠於禮中大有請益處至願至願不宣仲淹上秀
才仁弟十月十九日

小簡

此地比丹陽又似閑暇可以卜居請一來講說因以
圖之誠衆望也誠衆望也兒子在蘇州足下可能早
來今冬欲行鄉飲俟先生講求也仲淹上

仲淹白中間辱教承已拜 恩命雖德業雅遠未稱
人望而 朝廷獎善鴻漸于時惟聰明精至曉之深
笑未相會間千萬自愛自愛不宣仲淹上太學先生

閏十一月二十八日

小簡

仲淹已受 勅改青州見理舟行次希善待加愛

孫觀文

沔啓錢塘幸獲瞻對以扶護過江不果款接後聞談
經于府中恨不得執卷座末益為企戀企戀近日諒
雅候無恙沔冬中襄事畢正初詣杭如文蓋盤旋必
良會矣冬溫旅次希保愛保愛因王先生行草草上
問不次沔拜上建昌李君先生之右二十三日夜
沔白人來捧書伏知旅中無恙示及南歸未知奉會

之時企戀企戀途中慎護冬寒希保愛保愛人迴草
草奉此咨問兼謝伏惟照察不次沔拜上先生李君
之右二十一日

沔白錢塘之別又二載餘後未獲良會復踈致問專
介遠來惠書且知居憂無恙示教民病數十條非留
心博愛何以及此以賊未定過嶺經制必未及一一
行下當擇要以施之春後賊定方到江西奉見矣示
及事不須如此何害冬寒保愛保愛草草上問兼謝
不宣沔上太學先生李君十二月九日希文夏中過
徐遂不肯行以後事見託一一如其志哀痛哀痛行

狀乃勉為述之忙中未及以草寄去

余侍郎

靖頓首李君秀才別來每增翹渴忽枉手跡備荷勤
至於邑鄙吝渙釋懷抱所示禮論七篇推進禮經準
的世教派仁義贓刑政正其本於禮成一家之言工
古人之未工導明王之要道豈止獨步江表校聲名
於後俊者哉開益蒙蔽不勝降歎人回謹此為謝不
宣將作監丞余靖白正月十四日

靖頓首近接緒言止于再見蘭游霧息未盡雅懷所
示上豫章守書可以激昂士範支梧頽圯健羨健羨

別來鬱鬱動不如意邈然風規每益牢吝忍在手牘
深認勤勤木脫火流切希進道外保愛是祝謹奉簡
陳謝不宣大匠丞余靖頓首李君秀才七月二十八日
靖啓靖屏居南夏久不相知及今得書乃審有太學
之授國家誠有憐才之意而不寘於可用之途何哉
道遠未由胥會徒益傾渴耳冬寒保重人迴謹此為
謝不宣靖手啓助教執事十月十日
如有 朝命召赴成均供職亦可行道不宜辭免或
令赴選須詳去就也靖啓

歐陽內翰

備啓冗事牽迫久踈奉長者之論不知兩辱過門甚
媿甚媿備來日有少事須出即今幸家居可以拂席
奉俟軒蓋願企願企不然當別拜聞貴不失約也備
頓首賢良先生

蔡密學

襄頓首啓襄才識不能過人 天子誤知擢置諫列
每自念孤賤之迹旁無尋尺之助一旦名徹萬乘而收
錄之此宜如何論報効之誠也示及庸奴非所謂難言
但未得其詳耳足下業已發之當為予究之至詢他
人果詐不虛必逃去矣就令不逃亦生姦計莫如密

得其詳摛之以寘于法於時不為無補行路疲憊草
草裁答足下取其意畧其禮也裏頓首啓二十三日夜
裏啓近承從者之勞過臨海郡適以久疾無棕為禮
踈畧遠此離間豈勝慚改慚改春寒道上愛護為佳
不宣裏頓首李君足下二十日

馬雜端

遵頓首啓鄉吏京邑日與權幸人為敵趣了目前力
有不逮千里俯問病未能也未幾以罪逆復丁家難
扶挽南歸備嘗艱厄甫達里中即襄大事即日僅餘
殘息無復生意忽辱來諭承家居安甚併為慰也知

非久游錢塘且有迂顧之意何幸如之遵近得彼信
將來亦當一詣目即有私冗未幹兼本郡守尉故人
同年累書相招受代伊邇若捨饒而趨杭不免去就
厚薄之責頗非人情當暫謁之不知行期遲疾近遠
掃榻聯鑪俱未敢必靈隱西湖之會當不蹉跎矣秋
暑自愛倉遽草此不次遵頓首上答泰伯先生足下
七月十一日手啓遵再拜奉別數年居常企咏以家
禍屏居僻左無階俯問比見卿材具得起居之實所
慰多也遵無他奇區區徇祿食當求南中一官以便
安輿盱江乃素心未知所願果否前月已被臺移明

日上路咫尺不克一趨師坐少冀誨言為恨甚深因
風示字欲知動止忘卒聊此上謝夏暑切自愛傾渴
傾渴遵不勝私心不宣遵再拜泰伯先生書八十五
日謹簡

遵悚及遵到淮南二年矣署而居者不數月奔走之
勞不可勝道以故僅了目前四方交游書問闕如也
或云先生居倚廬間問不審有失陳慰人來得書伏
承孝履支裕先生未起有識惋惜遵素性朴愚上下
窘困之際乃佐此局咎責日深先生有聞無惜見教
涉夏勉抑自愛人回聊此為謝餘俟後信多悉多悉

不宣遵悚及再拜泰伯先生大孝 順次 三月二十八日

蕭閔副

十一月望日長沙野人蕭注致書隴西泰伯先生足下
注昨偕弟英求舉于京師聞足下應賢良預第一人
召試是時萬口一發萬意一同未有不心思目願欲
識其面者一日英請於叟曰李泰伯預賢良召未知
其道果如何叟曰今之賢良異於古泰伯其為今之
賢良古之賢良耶若為今之賢良則天下可車載為
古之賢良則覆載無三四英曰敢原其賢良之今古
曰今之賢良所學者美身之具也口誦之心記之然

後分句讀辨訓詁數條目駕虛辭而強名曰策曰論
主司既不能別白則互曰彼人之富於學也此人之
富其才也上既取之下思習之中其選者十年間往
往陶天下之民嗚呼以斯術而致吾君陶吾民則雨
蝗水旱盜賊不作其可得乎古之賢良發其言則差
箴為規為教為化明陰陽倚伏災異變盈之事提耳
萬乘擯斥堯黨亂臣賊子不敢正目而視使三王之風
復見于當世故漢之文景可比周之成康者由斯道
也叟尋與英下第南歸聞足下不中選二心頗疑後
得足下退居集啓而讀之則知足下果非今之所舉

賢良之人其不中選則宜夫人之相知患其道不同
道同雖夷貊亦可為兄弟注鄙人然而有志於聖賢
之術心銘足下之道故發此書以聞非今之趨炎附
勢輩聞足下有大名而沾相知之幸足下其以為是非
里人葉國器歸旅中草草非書冀留意不宣注再拜

小簡

注頓首前書寫意茲不云云相慕之極旦夕常在家
貧至甚僕馬無具因而幸見賢之望噫進不得地退
無以居丈夫之心於此將盡有風西來書以為寄則
野人之請餘希自愛注再啓

祖學士

無擇再拜泰伯先生酷熱以來氣體何如驛置相望不遠千里無階披奉祇增磨企法掾連君錫僕之故人有文而善與人交泰伯見之當相得以驩矣千萬善愛慰此多憶無擇手記頓首泰伯先生六月十七日無擇啓累日前軍校過敝邑得泰伯所示書承起居無它為慰甚深也慶曆民言皆極當時之病真醫國之書耳使今相天子宰天下者聞其言而行之何憂乎獯粥何患乎拓跋氏邪無擇踈賤不得言於朝泰伯又俾附寄永叔即須良便致之也君錫行日曾託

奉書必得通上無擇近作愛堂銘與文嬰序在君錫處宜枉觀覽因風幸示可否之教秋暑千萬善愛不宣無擇再拜 二十六日

無擇自來淮楚以地遠且少便復吏事無餘暇故不得時時拜書徒日思頌亡已足下之門人高第者曰陳生過聽不佞遣介走數千里惠然以書見抵且示之策捧覽之際覲生面目茲足下之不鄙遺我而俾之相示也顧愚何足以當之推轂之教豈敢不勉趨奉未由惟祝善愛諸懇可期面會茲不能布萬一無擇再拜泰伯足下 四月九日淮上書

無擇再拜泰伯先生無擇嚮者居憂丹陽辱書者再
兼承見寄長篇及賦不任感仰然以道塗阻遠少遇
信便無階致誠而望風依依靡忘終食也去歲過洪
井見建昌牙校首詢動止且將附問乃先生赴范杭
州召已行矣又不得通區區于左右今陳秀才人來
捧所貺手尺具悉起居如宜差慰詹渴萬一無擇方
此奔走披晤未日仰斬千萬為道自愛愚懷所望無
擇再拜泰伯先生

無擇再拜泰伯先生言念久不附問惟劇詹馳夏末
抵衣即欲致記竊承軒車寓泊洪井及詢諸相識乃

云它適蓋傳聞之不得審的耳介至忽捧手墨承體
局休佳殊慰區區敝郡已作學更三兩月可成當須
坐邀長者來此為後生唱導也乃時專遣人禮請次
謹先此答露秋涼希千萬若時加愛懇懇無擇再拜
八月二十三日

李侍郎

淑白近承雅顧獲奉嘉談兼摯雄文重將厚意欽降
之切昕夕以之忽辱手緘承有小疾戒舟涉遠幸保
冲襟惟精學之邁倫固情迷之詎測汶圖營議空祕
家楹之戲洞蕭上林猶慙侍臣之薦興言瞻笈交集

下誠不宣淑頓首

孔宗旦

宗旦啓自京師為別逾四年矣每聆風聲鄙氣銷爍
伏承日來體休道洽師表江左捐棄名場沉蘊事業
易曰肥道無不利惟泰伯之道乎甚善甚善今二十
二月徂徠石守道卒嗚呼天喪吾道俾我先生短命
死矣泰伯能不痛悼哉秋風蕭條江山脩邈願固頽
色以厭怛子靜行次聊此起居惟少垂察不宣曲
阜孔宗旦啓上泰伯先生坐前

直講李先生外集卷第二終

直講李先生外集卷第三

序詩墓銘

張學士送李君南歸序 宗古

三代以還漢唐為盛孝武雖講求三雍之制而迂儒
駕說恠誕而不經有唐正觀開元幾于治古雖希闊
畢講而明堂之議寂寥而無詔 國家承百王之餘
夷僭黜暴典章法則洪管純備然往者挾伎之臣讀
儒書被儒服一旦得貴位則誘導上心務極土木以
崇釋老斤斧既息流竄亦至後之卿相勤恤民力以
實邦本合宮之作我故未暇也惜乎自周室距今曠

千餘載此禮廢絕隔于耳目所以學者各是已見競
牽師習若詩分傳離愈失愈遠天豈使三王經制將
遂泯乎故復出泰伯以明其本泰伯家江西嗜古學
以謂今 天子享上帝朝諸侯雖有其禮而無其位
迺潛心憤懣貫覽數家之說自周官考工記大戴禮
盛德篇禮記月令漢白虎諸儒及歷代論議叅總會
一稽同合異曲者暢之滯者通之為明堂定制圖一
篇并序凡數千言竭來京師摯見時彥若李宋二紫
微左史聶長孺集賢葉道卿皆行衙接納鄭重推許
可獻公車登乙擘補 朝廷之闕當晨奏而暮召泰

伯猶謙謙不處罔敢露才而自薦也會貢舉罷詔拂
髦有懷親之感歸艤泊渚拱袂言別余恐江西英俊
未盡知泰伯之道及中朝士大夫稱詠所以然故筆
為序以送之異日舉脩墜典咨謀折衷泰伯必攘袂
危冠群立高議與宿儒故老較辨于赤墀矣斯言不
誣故乏揮潤謹序

葉內翰詩

清臣啓累日前伏象袖書臨訪并小文編
及明堂圖披玩尋繹彌增景服偶書二百
四十言以伸謝臆伏惟采摭

進士不讀書明經不根義詬病君子儒于今作文弊
禮部右詞賦諸生竊科第從道不達人追趨斯近利
李生何為者力學務遜志羞耻事章句深湛刺經藝
常惟 天子貴無大明堂位邈焉三代風豈笑百世
繼去聖日逾遠攻端非共致公玉既妄圖戴德亦縲
記漢唐盛容典規畫不足示其間區區者何暇盛德
事確論無甚高閎講寔而隆披文會今古援筆效同
異面勢本周官纖悉探呂氏俛拾林甫長仰摘康成
盪昭發老生矇冥符作者意聖期接千統緝禮恢萬
祀無文既已秩同節此云備寧當總章法未擘雲臺

議廢興有時合聰明自民視成履繁衆材致理豈一
士南闕朝奏書中朝夕鳴佩行矣無自遺日中今可
贊

祖學士詩

奉和秦伯送春絕句繕寫寄呈幸垂笑覽

范陽祖 無擇 上

憶昨相逢甲午年與君同賦送春篇等閑又見春風
老更捧新吟一惘然

萬樹紅芳落漸稀浮榮能得幾多時孤根未識陽和
力春去春來兩不知

送春長句呈泰伯先生

書日臨風把酒卮宜春臺上送春歸已看綠樹惜惜
靜猶有殘花怙怙飛歲月任從隨手過功名未必與
心違我緣客宦無常處後會如今亦恐稀

無擇啓前日承泰伯先生寵示新詩三首謹

依嚴韻奉和幸賜采覽

異鄉何處散幽懷賴得城中百尺臺還向天涯經歲
住那知春色為誰來雪消江上看梅發風暖衡陽有
鴈回強擬登高聊賦詠再三愧乏楚人才

右宜春臺

晴煙暮壓澹湖光勢勝居然占一方拂水萬絲楊柳
弱倚風千蓋芰荷香縱遊閑汎蘭舟穩半醉狂眠石
席涼公退每來須度日却疑身出利名鄉

右東湖

九十日春今日盡送春何況我偏知後期只在經殘
臘重探梅開雪裏枝

右送春

寄李先生

黃先生睇

久不見泰伯中心頻損和近聞來書卷更卜好山阿
學古成儒癖敦風蕩俗訛周公法已矣原憲事如何

母老祿未及身開鬢不睹新文海裔播舊業釣竿拖
窳戚歌寧發麻姑使屢過時人一握小吾道片雲多
友弟俱游宦池樊自撫莎聞猿詩興逸敲戶酒徒羅
鄉里名光也朝廷禮後廢年來魚信至怪我客蹉跎

麻姑山一首贈陳仲父賢良兼

泰伯先生

黃寺丞通

麻姑山直斗牛角形勝擁斷東南隅五百年來高英
氣特為吾宋生真儒李姓觀名泰伯字風骨古秀飄
鬚鬚其人於世少似者無乃稷契荀孟徒自傷出處
苦竒剝不得寸祿遮妻孥歸來築室郡北郭反關唯

作文字娛先生之門足高第中間仲父有輩無曾繼
先生列科舉簡編滿載三十車先生不遇子亦退高
文懿行考江湖麻源谷口田數頃歲計取足無贏餘
生涯俯就隱意決便棄城邑廬郊墟上有慈親享甘
旨下有子弟森庭除平生曾臆渺溟激惟學虞御窮
著書平生志氣薄雲漢惟學子陵閑釣魚每當春秋
杜時候萬象瀟灑神仙居品野卉照几席溪風谷
靄清襟裾先生乘興或還往殺雞炊黍開尊壺共評
古今正經史不知口角清涎濡名教果有如是樂考
輔之言誠豈誣蓮社竹谿詫高逸究竟未免歸狂愚

爭如仲父與泰伯相樂以道情愉愉文酒達迎二十
載一日不見已為踈松門大開俗不到水雲軒檻空
清虛仰愛二友嗟不與欲別仙墅猶踟躕

先生墓誌銘并序

門人陳次公撰

有宋經明行脩道德沈純用則任公卿尸教化而不
用以夫子之道教授學者門人陞錄千有餘人有如
游夏者則其賢可知也已文章高於當世版而行之
凡數集每為歌詩誌表未嘗以一字借人而入自求
而得之皆自言曰如此為父兄求而得之皆自言曰

父兄如此下筆多典故世莫及也天下皆曰泰伯先
生士大夫爭識其面其為當世推伏也若此先生姓
李氏諱觀字泰伯南城人也其實如秋其受如海外
示發舒中以真正其於道也如天焉無不覆如地焉
無不載天地以萬物遂成為功先生以四海咸若為
功用則任公卿尸教化而不用以夫子之道教授學
者後之覽其遺書則如其所以然曾克茂才有富國
安民強兵三策易禮二論合五十首天下傳誦及退
居為周禮致太平論并序五十一首其敵天命又有
潛書慶曆民言寄范富孫公四書長江賦蓋不忍夫

一世之傷而兩臂幾廢常語其徒其畧曰大哉孔子
吾何能稱焉頽淵曰仰之彌高鑽之彌堅瞻之在前
忽焉在後仰之彌高也則吾以為極星考之正之舍
是則無四方矣鑽之彌堅也則吾以為磐石據之依
之舍是則無安居矣瞻之在前忽焉在後也則吾以
為鬼神生之歛之舍是則無庶物矣他人之道借曰
善焉有之可也亡之可也夫子之道不可須臾去也
不聞之是無耳也不見之是無目也不言之是無口
也不學之不思之是無心無精爽也尚可以為人乎
哉吾於斯道夜而諷之矣晝而讀之矣髮斑斑而不

知其疲矣終沒吾世而已矣其語如此衆驚而萃非
之先生之志益堅然則不非之不足以為泰伯先生
也先生燕申講解嚴重慎密弟子畏之有駭則對之
以狀察無溢美然後進之今為墓刻畏比神靈自祖
禰以往丘蓋不言只於集中得子高墓表曰南城縣
東北遠百里吾高祖之父家焉先夫人墓誌曰先君
嘗學不應舉尤直信生平無所爭不識州縣廷終以
不得意死又於官簿得曾祖諱某祖諱某父諱某母
鄭氏始娶陳氏再娶饒氏有男參魯三女長適陳汝
翼而卒先生之生也以己酉而卒也以己亥年五十

有一其卒仲秋其塋季冬實嘉祐四年祔先君之塋
在鳳凰山足夫南城載于西漢地理志唐屬撫州臨
川 國朝別建軍曰建昌縣隸焉鳳凰山在縣西北
城背之塋在麓東松檟萬株山川如畫乃真宅也然
而其抱負如此天之報之止如此其後焉有不達者
乎嗚呼先生之名大顯世之顯人及有道之士莫不
知者下至農工負販士女釋老盡能誦其文章
天子亦聞之乃以將仕郎試太學助教就門官之末
年又召入太學說書復以通州海門縣主簿祿之權
管幹太學非其好也逾年以告歸歸逾月而卒臨終

無他言獨執次公手以明堂制圖為託又以為三禮
論未成為恨其孜孜為學者如此何哉次公夙荷教
育過於強仕之年指人既殞復何聊哉泣而銘曰

余侍先生得堯舜禹湯文武周公孔子之事甚詳
皆本書詩非諸子之緒言也於是浩歎魏晉之際
莽卓之間惠慎之時聖人之道已大壞有由然及
寃莊生之言今世之仁人蒿目而憂世之患不仁
之人決性命之情而饕富貴焉知曾史之不為桀
跖之嚆矢曰儒者未嘗是之而余獨是之嗚呼天
乎其意不在斯文乎何奪先生之速哉何奪先生

之速哉

直講李先生外集卷第三終

直講李先生門人錄

先生年譜所以載先生之行事今以門人錄附庸者亦欲使來者知先生師友之淵源也按陳次公誌先生之墓曰門人陞錄者千有餘人今姓名可攷者僅三十八人茲而不書久則愈無可攷故附錄云

陳次公字漢傑南城人父璠先生夫人之伯父也次公與兄漢公字伯英弟次山俱學於先生次公舉茂材異等不中歸隱谷口著書與先生往還者二十年先生臨終執其手託以遺文先生墓誌銘乃

次公所述也次山登皇祐五年第

傅野字亨甫南城人學於先生其先上饒人父垂範先生為誌其墓野學於先生蚤有立操與陳次公俱為門人稱首熙寧中郡以高材淹滯聞 旨賜粟帛充軍學教授歷明州定海尉歸隱於沙溪之東巖有文集名通藁先生後集乃野所輯也

鄧潤甫字温伯避高魯王諱以字行少與弟佑甫仲甫俱學於先生温伯文章角出諸生上登皇祐元年第官至尚書左丞三入玉堂熙寧中上先生輯藁乞官先生之子參魯佑甫登熙寧二年第仲甫

高尚不仕元祐中舉遺逸賜號和靜先生

李山甫字明叟避高魯王諱以字行更字公晦先生之族子也少學於先生登皇祐元年第官至西京作坊使知澧州號龍溪釣叟

陳光道字公亮南城人與兄光遠俱學於先生光道剛果廉辯多智數登嘉祐四年第仕至撫州通判號有為子先生之子參魯墓銘乃光道所作也光遠登元豐八年第

廖平南劍人父夷清徙居南城平十二歲而孤能自立學於先生登治平二年第常語後跋乃平所作也

陳汝器字適用南城人學於先生能詩元祐中為廬陵宰山谷亟稱之

黃曦字耀卿南城人學於先生文章典麗南豐先生亟稱之元符三年乙科

傅翼字翼之南城人學於先生文行俱高熙寧六年乙科終永豐令號甘圃有甘圃集

余疇若字堯輔南城人學於先生慶曆二年大理寺丞周燮知南豐聞其賢請主學事先生以序送之傅代言南城人學於先生及卒先生為表其墓

陳瓔字天貺南城人學於先生出諸生右晚自肆山

水號谷口耕叟

鄧立字公儀南城人學於先生志合道一年三十二而卒先生為辭傷之

陳君平南城人都官肅之子也學於先生少能文甫冠舉進士入太學不第終於京年二十四先生誌其墓

康廷玉南城人陳漢公之壻也學於先生

饒景先南城人偕弟見先學於先生先生表其父昌齡之墓

杜萬南城人居谷口先生有詩送之

王幾字復之天台人學於先生字之為作復說

陳世南豫章人學於先生以序送之

陳公燮字思道閩人學於先生贈之以序改字中道

張宏武夷人學於先生嘗以詩送之

張延之字伯仁學於先生為作字序

以後十二人
鄉貫無傳

湯延祖字子立學於先生字之以詩

陳特兄弟二人俱學於先生答之以書

彭昱學於先生嘗以詩送其赴舉

夏旦學於先生以詩送其赴舉

黃銑學於先生以詩送其赴舉

廖說學於先生為詩其蒙亭

周伯達學於先生見清話堂詩題

吳伯華學於先生以詩送之

上官直學於先生以詩送之

吳著學於先生以詩送之

嘗讀肝江舊志云曾舍人鞏鄧左丞溫伯昏先生

之高弟竊有疑焉蓋溫伯他日為中丞進先生所

為文奏乞官其一子溫伯遊先生之門明矣然不

能排新法之非識者惜之今旰志以南豐並稱不

知何據按李直講生於祥符之己酉曾南豐生於

天禧之已未以年數攷之則直講多南豐十歲也
若以直講南豐為師友恐不其然謂其在鄉學師
之歟則直講以慶曆三年主郡學而南豐以是年
自洪州歸臨川上齊工部書云祖母樂居臨川其
後為文多道臨川之事謂其在太學師之歟則直
講以嘉祐二年為太學說書而南豐以是年登進
士第明年調太平州法曹烏在其為師友哉舊志
所載若不加訂正襲訛承舛惟恐後人復誤後人
也

直講李先生門人錄卷終

賢太守之為邦崇鄉賢風後學凡以因敬梓者之心
而教易行肆泰伯先生於我盱有常祀七八年來乃
或撤厥祠亭為堂偏厥宰龍為院而置先生於雜祀
或擱然不知有先生惟先生嘗言人於夫子之道不
聞之是無耳也不見之是無目也不言之是無口也
不學之不思之是無心無精爽也今有仕是邦而不
知有先生不亦猶之無耳目口心精爽者乎往弗諫
景定初元太守雲軒魏侯峙祠墓乃復建亭朔告必
躬頓異乎前時觀又取遺書讀嘆其言足經世興太
平獨恨年譜有關遺字畫有訛脫更與盱之士參以

它書雖正二年饒之梓其將以開世之無耳目心
精爽人矣乎予方服侯之為會

天子嘉侯治狀改守袁州因誦泰伯袁學記爾來得
賢君之句而有感遂書其後三年上巳日里中子張

淵微敬書

第 35184 号
平成 3.11.22
聖和學 928
圖短大 4
圖書館 8

